

Na osnovu člana 70. Zakona o javnim nabavkama („Službeni glasnik BiH”, broj 39/14), a na preporuku Komisije za provođenje postupka zajedničke nabavke u Bosansko-podrinjskom kantonu Goražde, imenovane Rješenjem Vlade Bosansko-podrinjskog kantona Goražde, br.03-14-90/15 od 22.01.2015.godine, Vlada Bosansko-podrinjskog kantona Goražde, na 118.redovnoj sjednici, održanoj dana 20.09.2017.godine **d o n o s i:**

O D L U K U

o izboru najpovoljnijeg ponuđača za sukcesivnu isporuku autodijelova za potrebe voznog parka institucija Bosansko-podrinjskog kantona Goražde

Član 1.

Prihvata se preporuka Komisije za nabavku utvrđena u Izvještaju od radu, br.03-14-798-20/17 od 07.09.2017.godine i za najpovoljnijeg ponuđača za sukcesivnu isporuku autodijelova za potrebe voznog parka Vlade Bosansko-podrinjskog kantona Goražde bira se društvo „**DAMIR COMPANY**“ d.o.o. **GORAŽDE**, sa Ponudom, br.3/17 od 21.08.2017.godine i ponuđenom cijenom od 76.711,21 KM, bez PDV-a, kao najbolje ocijenjenom.

Član 2.

Prijedlog okvirnog sporazuma/ugovora dostaviće se na potpis izabranom ponuđaču po proteku roka od 15 /petnaest/ dana, računajući od dana kada svi ponuđači, koji su učestvovali u predmetnom postupku zajedničke nabavke, budu obaviješteni o izboru najpovoljnijeg ponuđača.

Član 3.

Izabrani ponuđač dužan je dostaviti garanciju za dobro izvršenje ugovora u iznosu od 10% od vrijednosti okvirnog sporazuma/ugovora u obliku bezuslovne bankovne garancije i u roku od 7 /sedam/ dana od dana kada bude obaviješten od strane ugovornog organa o zaključivanju ugovora, a shodno odgovarajućim odredbama Tenderske dokumentacije, br.03-14-798-11/17 iz jula 2017.godine.

Član 4.

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, uz istovremeno upućivanje svim ponuđačima koji su učestvovali u predmetnom postupku javne nabavke, a naknadno će se objaviti i u „Službenim novinama Bosansko-podrinjskog kantona Goražde“.

O b r a z l o ž e n j e

Predmetni postupak nabavke pokrenut je Odlukom Vlade Bosansko-podrinjskog kantona Goražde o ponovnom pokretanju postupka nabavke, br.03-14-1151/16 od 14.07.2016.godine i br.03-14-1469/16 od 09.09.2016.godine, kao i Zaključkom Vlade Bosansko-podrinjskog kantona Goražde, br.03-14-791/17 od 22.05.2017.godine.

Procijenjena vrijednost nabavke iznosila je 90.000,00 KM.

Javna nabavke provedena je putem otvorenog postupka.

Obavještenje o nabavci, br.978-1-1-2-3-8/17 poslano je na objavu dana 25.07.2017.godine, te je istog dana i objavljeno na Portalu javnih nabavki.

Sažetak Obavještenja o nabavci objavljen je u „Službenom glasniku BiH“, br.56/17 od 04.08.2017.godine.

Komisija za nabavku, imenovana Rješenjem Vlade Bosansko-podrinjskog kantona Goražde, br.03-14-90/15 od 22.01.2015.godine, (u nastavku: Komisija) je uz Izvještaj o radu,

br.03-14-798-20/17 od 07.09.2017.godine, dostavila i Zapisnik o pregledu i ocjeni ponuda, br.03-14-798-19/17 od 07.09.2017.godine, a u kojima je preporučila izbor društva „DAMIR COMPANY“ d.o.o. GORAŽDE za najpovoljnijeg ponuđača.

U postupku po zaprimanju Izvještaju o radu utvrđeno je da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su zaprimljene/pristigle 2 /dvije/ ponude;
- da su ponude ponuđača „APOLLO“ d.o.o. GORAŽDE i „DAMIR COMPANY“ d.o.o. GORAŽDE prihvatljive.

Izabrani ponuđač je odabran primjenjujući kriterij najniže cijene, koja je ponuđena u iznosu od 76.711,21 KM, dok su ostali ponuđači, čije su ponude prihvatljive, ponudili sljedeće cijene:

a) „APOLLO“ d.o.o. GORAŽDE, 87.457,00 KM.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, a skladu sa kriterijima iz Tenderske dokumentacije, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač odabran je primjenjujući kriterij „najniža cijena“.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

**V L A D A
BOSANSKO-PODRINJSKOG
KANTONA GORAŽDE**

P R E M I J E R

Emir Oković

*Broj: 03 – 14 – 798 – 23 / 17
20.09.2017.godine
G o r a ž d e*